

Åråsvågen velforening
styrets leder Jan Erik Erstad
jan.erik.erstad@bkkfiber.no

Austrheim 30. september 2020

Austrheim kommune,
Rådmannen,
post@austrheim.kommune.no

UTTALE TIL FORSLAG TIL PLANSTRATEGI FOR AUSTRHEIM KOMMUNE 2020-2024. RÅDMANNENS SKRIV AV 21. AUGUST 2020 MED FRIST 1. OKTOBER 2020.

Åråsvågen velforening er kjent med høyringsutkastet til planstrategi for Austrheim kommune for 2020-2024, og har ved skriv av 29. juni gitt innspel til planen.

Åråsvågen velforening består av 29 eigarar av bustadar i Åråsvågen, nokon fastbuande, nokon med fritidseigedomar. Eigedomane vert mykje nytta av eigarane og deira familiar og kjente.

Moglegheitene for friluftsliv på sjø og på land, er hovedårsaka til at eigarane valde Austrheim som stad for bustadane. Vi har såleis stor interesse for kva som skjer i kommunen når det gjeld disse moglegheitene. Vi kan dagleg observera at og innbuarane i Austrheim nyttar områda både i Åråsvågen og Øksnesmarka.

I strategiforslaget er det fleire stader vist til at det er viktig å sjå økologisk, økonomisk og sosial bærekraft i ein samanheng. Det er og peika på at sysselsetting og produksjon må skje i eit grønt og bærekraftig næringsliv som sikrar miljø- og naturressursar mot nedbygging. Dette er synspunkter som velforeningen er einig i.

Velforeninga er kjent med at det i kommuneplanen sin arealdel er sett av areal til industriformål i eit område i Øksnesmarka, med tilhøyrande kaianlegg i Åråsvågen.

Området ligg nær bustader og fritidsbustader både på Øksnessida og på Åråssida. Det kan ikkje vera tvilsamt at områda vil bli berørte at industriverksemnd i marka og vågen. Dette gjeld særleg uttak av steinmassar, noko som erfaringsmessig fører med seg store naturinngrep samt støy og støv langt utanfor det området der verksemnda vert dreven. Eit stort kaianlegg i fjorden, vil utan tvil få negative konsekvenser for bruken av fjorden. I tillegg kjem hensynet til artsmangfoldet i området og miljøomsyn.

Velforeninga har forståing for at det er ønskjeleg med næringsverksemnd i kommunen, men meiner at det fins andre område som er åpna for slik verksemnd eller som det er naturleg å åpna for det. Etter vår meining er det ikkje samsvar mellom dei formåla som er framheva i strategidokumentet, og arealplanen for dei nemnde områda. Viktige friluftsliv, natur -og miljøhensyn er ikkje tatt omsyn til i tilstrekkelig grad.

Såvidt vi kjenner til, var det eit knapt fleitall i kommunestyret for å åpne for industriverksemnd i Øksnesmarka/Åråsvågen, noko som i seg sjølv taler for å vise varsemnd med å tillate slik aktivitet.

Velforeninga vil oppmoda kommunen til å endra arealplanen og ikkje tillata slik verksemd i dei omtalte områda.

Med venleg helsing

Åråsvågen velforening

Jan Erik Erstad
styreleiar